

Broj: 01-4-NŠ-6634/25
Sarajevo, 15. 10. 2025. god.

Na osnovu člana 69. Zakona o visokom obrazovanju Kantona Sarajevo (Službene novine Kantona Sarajevo, broj 36/22 i 28/25), članova 111, 115. i 197. Statuta Univerziteta u Sarajevu, a shodno odbredbama Pravila studiranja za I i II ciklus studija, integrirani, stručni i specijalistički studij na Univerzitetu u Sarajevu i Pravilnika o ekvivalenciji položenih ispita na Univerzitetu u Sarajevu, broj: 01-1101-96/18 od 19. 12. 2018. godine, "Vijeće Univerziteta u Sarajevu – Medicinskog fakulteta na svojoj 1. redovnoj sjednici održanoj 15. oktobra/listopada 2025. godine d o n o s i:

ODLUKU

I

Usvajaju se dopune Pravila o uslovima prelaska studenata sa drugih univerziteta i studijskih programa Univerziteta u Sarajevu na studijske programe medicine na Univerzitetu u Sarajevu – Medicinskom fakultetu broj: 01-4-2107/24 od 12. 03. 2024. godine kako slijedi:

U preambuli Pravila o uslovima prelaska studenata sa drugih univerziteta i studijskih programa Univerziteta u Sarajevu na studijske programe Medicine na Univerzitetu u Sarajevu – Medicinskom fakultetu (U daljem tekstu: „Pravila o uslovima prelaska“) poslije navedenih riječi: „Pravila studiranja za I i II ciklus studija, integrirani, stručni i specijalistički studij na Univerzitetu u Sarajevu“, dodaju se riječi: „i Pravilnika o ekvivalenciji položenih ispita na Univerzitetu u Sarajevu, broj: 01-1101-96/18 od 19. 12. 2018. godine.“. Ostatak teksta preambule ostaje nepromijenjen.

U dijelu člana 5. (Ekvivalencija položenih ispita) dodaju se nove tačke, kako slijedi:

- 7) Prilikom ekvivalencije položenih ispita, ostvarenih ECTS bodova, stečenih znanja, vještina i kompetencija kandidata za prelaz sa „International Medical Degree Program“ studija na Integrirani studijski program „Medicina“ Univerziteta u Sarajevu – Medicinskog fakulteta (koji ispunjavaju uslove iz člana 2. Pravila o uslovima prelaska) odslušana nastava i položeni ispiti iz predmeta „Medical Ethics and Sociology“ i „Introduction to Medicine and History of Medicine“, priznaju se kao ekvivalent odslušane nastave i položenog ispita iz predmeta I semestra Integriranog studijskog programa „Medicina“ „Vještine komunikacije u medicini“. Prilikom priznavanja navedenog ispita, kandidatu se dodjeljuje ocjena koja čini prosječnu ocjenu ostvarenih pojedinačnih ocjena iz oba navedena predmeta.
- 8) Prilikom postupka ekvivalencije položenih ispita kandidata za prelaz sa „International Medical Degree Program“ studija na Integrirani studijski program „Medicina“ Univerziteta u Sarajevu – Medicinskog fakulteta (koji ispunjavaju uslove iz člana 2. Pravila o uslovima prelaska) odslušana nastava i položeni predmeti iz predmeta Engleski jezik iz prvog i drugog razreda srednje škole priznaju se kao ekvivalent odslušane nastave i položenog ispita iz predmeta prve studijske godine Integriranog studijskog programa „Medicina“ „Medicinski engleski jezik 1“, a odslušana nastava i položeni predmeti iz predmeta Engleski jezik iz trećeg i četvrtog razreda srednje škole priznaju se kao ekvivalent odslušane nastave i položenog ispita iz predmeta druge studijske godine Integriranog studijskog programa „Medicina“ „Medicinski engleski jezik 2“. Prilikom priznavanja navedenih ispita, kandidatu se dodjeljuje ocjena koja čini prosječnu ocjenu ostvarenih pojedinačnih ocjena iz navedena predmeta.

II

Opis poslova šefa katedre:

- neposredno rukovodi radom katedre u nastavnom procesu rada,
- organizira, usklađuje i koordinira proces nastave, ispita, vježbi, kolokvija i drugih nastavnih aktivnosti
- predlaže plan rada i unapređenja aktivnosti katedre,
- radi na ličnom stručnom i andragoškom usavršavanju,
- odgovoran je za realizaciju nastavnog plana i programa predmeta katedre, pravovremenost i cjelokupnost izvršavanja programskih, ispitnih i drugih nastavnih aktivnosti na katedri,
- stara se o kadrovskoj popunjenosti katedre, stvaranju nastavnog podmlatka
- prati i predlaže unapređenje curriculumu predmeta katedre,
- vrši raspodjelu konkretnih poslova u realizaciji radnih zadataka,
- prati rad zaposlenika, pruža stručnu pomoć u realizaciji konkretnih radnih zadataka,
- odgovoran je za radnu disciplinu, odgovoran je za zakonitost i cjelishodnost odluka kolegija kojim rukovodi
- svi ostali poslovi iz opisa poslova nastavnika,
- izvršava odluke dekana i ostalih organa Fakulteta,
- odgovara za rad katedre dekanu Fakulteta,
- ostali poslovi u okviru stručne spreme i radnih sposobnosti

III

Šefovi katedri iz stava I biraju se za mandat od dvije godine i mogu biti birani na istu funkciju više puta.

IV

Ova Odluka stupa na snagu danom donošenja, a primjenjivat će se od dana isteka prethodnog dvogodišnjeg mandata, izuzev novoizabranih šefova katedri (za koje se odluka primjenjuje danom donošenja).

Obrazloženje:

Zbog isteka izbornog perioda šefovima katedri, te usklađivanja naziva katedri za Pravilnikom o organizaciji i sistematizaciji radnih mjesta Univerziteta u Sarajevu – Medicinskog fakulteta od 12. 11. 2024. godine, upućen je zahtjev katedrama Fakulteta za dostavljanje prijedloga za izbor šefa katedre. Navedene katedre su dostavile svoje prijedloge za izbor šefova katedri, na osnovu čega je Vijeće Univerziteta u Sarajevu – Medicinskog fakulteta donijelo odluku kao u dispozitivu.

Dostavljeno:

- ✓ Imenovanim
- ✓ Stručnim službama Fakulteta
- ✓ Katedre
- ✓ Arhiva Fakulteta
- ✓ Arhiva Vijeća



DEKAN
Prof. dr. Amina Valjevac

Akt obradila: Nermana Šemić, prof. viši stručni saradnik *Šemić N.*

Akt kontrolisala: Mr. sci. Amna Krilić, Šefica Službe za podršku NIR-u i tijelima Fakulteta *Amna*

Akt odobrio: Prof. dr. Almir Fajkić, Prodekan za nastavu *Fajkić*

„Sekretar Univerziteta u Sarajevu-Medicinskog fakulteta potvrđuje da je prijedlog Odluke/Rješenja u skladu sa *zakonskim i podzakonskim propisima koji su na snazi, te da je Vijeće Univerziteta u Sarajevu-Medicinskog fakulteta nadležno za donošenje iste shodno članu 69. Zakona o visokom obrazovanju („Službene novine Kantona Sarajevo“, broj 36/22 i 28/25)“

Sekretar

Anis Krivić mr. iur. *Krivić A.*